



mjesečni Bilten

omladinska mreža bosne i hercegovine

maj
svibanj
2017.

216

Dragi prijatelji/ce,

Predstavljamo vam **majsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **182** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net




SADRŽAJ

Aktivnosti u maju 2017.....	2
Planovi za juni 2017.	8
Aktivnosti članova mreže	9
Saopštenja/informacije/donatori/pozivi.....	25

Uživajte u čitanju!

AKTIVNOSTI ORC/HCA U MAJU 2017.

„Ekipa iz komšiluka – poruka iz provincije“



Crew
from
the
hood

hoodcrew-org

U sklopu projekta Crew from the hood, 22. maja je na tuzlanskom šetalištu „Korzo“ održana akcija prikupljanja poruka građana. U toku akcije građani su na velikom platnu imali mogućnost ostavljati poruke i ukazivati na stvari koje im se ne dopadaju u gradu.

Cilj projekta „Crew from the hood“ je izražen kroz motivaciju donosioca odluka za podsticanje aktivne suradnje, razvoja alternativne kulture, afirmaciju i društveno priznanje za alternativnu kulturnu scenu.

Projekat se fokusira na aktivnu alternativnu kulturnu scenu u tri regiona: istočna Bosna i Hercegovina, zapadna Srbija i sjeverna Crna Gora. Aktivnosti su koncentrirane na dvanaest općina u ova tri regiona i zamišljene kroz planirani razvoj, dijalog sa vlastima, kao i kroz gradnju mreže među aktivistima alternativne kulture.



Aktivnosti ORC u Mreži izgradnje mira

Generalna skupština Mreže za izgradnju mira



Mreža za izgradnju mira postoji od 2010. godine kao koalicija koja okuplja 105 organizacija i 15 škola koje rade na čitavoj teritoriji Bosne i Hercegovine. U Sarajevu je 19.-20. juna održana prva Generalna skupština Mreže za izgradnju mira. Na Skupštini je bilo prisutno 58 predstavnika/ica članica Mreže za izgradnju mira iz cijele Bosne i Hercegovine. Na Skupštini su predstavljeni nalazi izvještaja koji je uradio konsultant Christian Pfeifer. U tom smislu, na Skupštini se razgovaralo o doprinosu organizacija Mreži, o načinima unaprijeđenja rada Mreže i njoj budućnosti, te je postignut konsenzus o ključnim pitanjima i područjima rada.

Troškove održavanja Skupštine pokrila je Fondacija PeaceNexus koja rad Mreže mira podržava organizacijskim grantom. Ispred ORC Tuzla, na prvoj generalnoj skupštini učestvovala je Ivana Jokić. Više informacija o skupštini možete pronaći na stranici: <https://www.mreza-mira.net/>.



Fotografije sa skupštine možete pronaći na:

https://www.facebook.com/pg/mreza.mira/photos/?tab=album&album_id=1387625454651578

Radionica strateškog planiranja za Mrežu za izgradnju mira

U okviru Programa izgradnje kapaciteta i tehničke pomoći za uspješno umrežavanje i zagovaranje OCD, koji se realizuje u okviru projekta TACSO 2 – Tehnička asistencija organizacijama civilnog društva, a koji se implementira od strane TACSO VESTA Resursnog centra u periodu februar – juni 2017. godine, u Tuzli je, u periodu 29. – 30. maj održana radionica za članice Mreže izgradnje mira: „Strateško pozicioniranje Mreže za izgradnju mira“.

Tokom dvodnevne radionice učesnici su aktivno radili na ključnim elementima koji će unaprijediti rad i djelovanje mreže u narednom periodu: analiza mrežnog djelovanja, planiranje za promjene, akcije mreže, te kratkoročno i dugoročno planiranje aktivnosti mreže. Facilitatori/treneri na radionici bile su: Svjetlana Marković, Emina Ljubijankić, Emina Hasanagić i Lejla Čamo. U radu radionice učestvovao je i Miralem Tursinović – direktor Omladinskog resursnog centra (ORC) Tuzla.



Omladinska grupa ORC Tuzla

CAT

Kampanja pod nazivom „CAT – Citizens against terrorism“ je zajednička aktivnost studenata iz Tuzle, Brčkog i Bijeljine, koja za cilj ima podizanje svijesti o pojavi radikalnih i terorističkih pokreta u Evropi i našoj državi. Obzirom da kampanju vode mladi i kreativni studenti – njihova je ideja da javnost animiraju uz pomoć mačaka i time skrenu pažnju na jedan od gorućih problema u ovom trenutku u Evropi i u našoj državi. Pored „online“ dijela kampanje mladi iz 3 grada su imali i niz „offline“ aktivnosti.



Ulična akcija, koja je održana 22. maja i imala je za cilj skupljanje potpisa za peticiju da se 22. maj uvede kao Međunarodni dan borbe protiv terorizma. Želja naših mladih sugrađana je da ova ideja potekne iz Tuzle, iz Bosne i Hercegovine od strane mladih sve tri nacije i religijske grupe. Prikupljenih 430 potpisa je upućeno Ujedinjenim Nacijama, preko ambasadora Bosne i Hercegovine pri UN-u.



Nakon ulične akcije i prikupljanja potpisa, na Univerzitetu u Tuzli je održana javna tribina pod nazivom „Da li je BiH plodno tlo za terorizam“ na kojoj su svi zainteresovani studenti imali priliku slušati izlaganja Aide Ganović, psihologinje i stručnog konsultanta OSCE-ove misije u BiH, Adnana Pečkovića, istraživača na temu Nacionalizma u obrazovnim institucijama BiH i Miralema Tursinovića, direktora ORC Tuzla i istraživača na temu Ljudske sigurnosti na Balkanu. Javna tribina je realizovana u saradnji sa OSCE

misijom u BiH, a čitava kampanja je podržana od strane „Facebook-a“ i „State departmenta“. Obje aktivnosti su se prenosile uživo i mogu se pogledati na facebook stranici www.facebook.com/CATBiH

Završna aktivnost kampanje bio je turnir u odbojki na pijesku „Blokiraj terorizam“, održan 28. maja na terenima JKP Pannonica. Učesnici turnira su fer i sportskim nadmetanjem zajednički poslali poruku da u Bosni i Hercegovini nema mjesta radikalnim i terorističkim pokretima! Čestitke pobjedničkoj ekipi "BUCE".



Završene pripreme za osnivanje Vijeća mladih grada Tuzle



Tokom maja su se održavali redovni sastanci predstavnika nevladinih organizacija u Tuzli, kako bi se izvršile potrebne pripreme za osnivanje Vijeća mladih Grada Tuzla. Prije samog osnivanja Vijeća mladih bilo je potrebno definirati statut, usuglasiti se oko ideja za logotip i vizualni identitet ovog omladinskog predstavničkog tijela, te dogovoriti prve aktivnosti poslije osnivanja Vijeća. Članovi ORC-a su vrijedno radili kako bi cijeli proces bio što uspješniji. Omladinski resursni centar će u Vijeću mladih predstavljati Ivana Jokić i Slobodan Blagovčanin i Miralem Tursinović. Osnivačka Skupština Vijeća mladih grada Tuzle biće održana 2. Juna 2017.



SuperGrađani i SuperGrađanke ujedinjeni u borbi protiv mržnje

Na sastanku Koalicije za borbu protiv mržnje Tuzla, koji se održao 4. Maja, predstavnici i predstavnice organizacija članica Koalicije potpisali su Memorandum o saradnji. Na ovaj način su potvrdili spremnost da zajedno grade bolju i tolerantniju lokalnu zajednicu. Naši omladinci Ivana Jokić, Adi Selman i Slobodan Blagovčanin su potpisali memorandum u ime ORC-a.

Nakon što je na prethodnom sastanku Dajana Bakić izabrana za koordinatoricu aktivnosti, Koalicija je ovaj put dobila i zamjenika koordinatora. Član Omladinskog resursnog centra Tuzla, Adi Selman je, većinom glasova izabran za zamjenika koordinatora koalicije. Sastanak je bio prilika za usaglašavanje članova i članica o logotipu Koalicije, ali i priprema za organizaciju prigodne tematske diskusije, kojom je 21. maj u Tuzli bio obilježen Svjetski dan kulturnih različitosti, dijaloga i razvoja.



[#NeMržnji](#) [#NoH8Worldwide](#) w/ [Super Građanke](#) i [Super Građani](#)

Dan OŠ „Simin Han“



Nakon što je u aprilu, povodom Svjetskog dana planete Zemlje organizirana ekološka akcija, koja je aktivirala omladince i učenike područne osnovne škole „Požarnica“, naša organizacija je imala čast biti pozvana na obilježavanje 71. rođendana Osnovne škole „Simin Han“, čija je područna škola „Požarnica“. Ukupno 150 učenika iz obje škole je učestvovalo u školskoj prirebi, u sklopu koje je direktor škole dodijelio zahvalnicu ORC-u. Nadamo se da ćemo u budućnosti također surađivati. Ovom prilikom

rukovodstvu škole i svim učenicima želimo mnogo sreće, uspjeha i petica u budućem radu!

„Priroda i društvo“ na Javorju

Omladinci OGORC-a su održali teambuilding aktivnosti (13. i 14. maj) u prirodi na Javorju. Zajedno sa kolegama iz još nekoliko tuzlanskih omladinskih organizacija odlučili su se za planinarenje kako bi pobjegli od gradske gužve, odmorili se od obrazovnih obaveza, te uz druženje razgovarali o novim aktivnostima za naš grad. Nakon vikenda su se vratili svojim svakodnevnim obavezama napunjenih baterija i spremni za nove pobjede. Naša Mirela Biković je cijelu avanturu zabilježila fotografijama.

Photo: MiBi photography



Je li sloboda govora sloboda vrijeđanja?

Kao proizvod suradnje CET Platforme i OG ORC-a u Američkom Kutku Univerzitetske biblioteke Tuzla je 18. maja održana radionica na temu slobode govora u odnosu na govor mržnje. Voditelji radionice za srednjoškolce su bili Admir Isanović i Ivana Jokić. Učesnici su imali priliku, u sigurnoj i opuštenoj atmosferi, diskutirati o važnosti slobode govora, odgovornosti koju ona nosi i njenim granicama. Na kraju su svi napisali svoje najradikalnije stavove i svaki stav je bio posebno analiziran i zajednički je odlučeno spada li u slobodu govora ili govor mržnje.



„Volontiraj – kreditiraj 2017“

Udruženje Infohouse iz Sarajeva i ove godine sprovodi projekt "Volontiraj-kreditiraj 2017". Članica Omladinske grupe ORC, Amina Džananović, je 24.5. imala priliku provesti radni dan u Udruženju Bosper. Amina se upoznala sa radom Udruženja, postignutim rezultatima i planovima za ubuduće, kao i sa radom «Plant» d.o.o. Također je vidjela mašine koje se koriste u proizvodnji sadnica povrća, te se upoznala sa proizvodnjom presadnica jagoda i povrća u plastenicima. Dio svog radnog dana je provela pomažući u sektoru računovodstva i finansija. Na kraju uspješnog radnog dana druženje je okončano degustacijom jagoda iz vlastite proizvodnje.



KAPIJA – 25.5.2017



U centru Tuzle, na „Kapiji“ je 25. maja, prije 22 godine, ispaljena granata koja je usmrtila 71 mladu osobu. Od osnivanja grupe, Omladinci svake godine polažu vijence na Kapiju u spomen na stradale vršnjake. Pamtimo da se ne ponovi!

Redovne aktivnosti ORC i hCa Tuzla:

Tokom maja radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

PLANOVI HCA/ORC-A ZA JUNI 2017.

- Sprovođenje redovnih aktivnosti kroz Omladinsku mrežu BiH;
- Aktivno učešće u međunarodnoj ALF mreži, održavanje i logistička podrška ALF Mreži Bosne i Hercegovine;
- Organizovanje godišnjeg sastanka ALF mreže BiH – Tuzla, 9.-10. juni;
- Nastavak aktivnosti na partnerskom projektu „Crew from the hood – Messages from province“, sa partnerima iz Srbije (Forum građanske akcije – FORCA Požega) i Crne Gore (NGO Fenomeni Kolašin). Organizovanje treninga u Tuzli.
- Nastavak aktivnosti u okviru Kampanje protiv terorizma – CAT
- Nastavak aktivnosti u okviru Mreže za izgradnju mira BiH
- Redovne aktivnosti na namicanju sredstava

AKTIVNOSTI ČLANICA OMLADINSKE MREŽE BiH



PRONI Centar za omladinski razvoj

Ul. Mehmedagića 24, 76100 Brčko distrikt BiH

Tel./Fax: +387 49 217 695

E-mail: pronibrco@teol.net

www.pronibrcko.ba

Visions of youth work

PRONI Centar je prisustvovao obuci u cilju izgradnje kapaciteta organizacija u oblasti korištenja društvenih mreža u Ljubljani početkom aprila mjeseca. Obuka je provedena kroz partnerski projekat: „Visions of youth work“, sa organizacijom BUM iz Beograda, a koji je financiran od strane Erasmus+ programa za mlade. Više info o projektu: <http://youthvisions.info/>



Earth Day

Povodom obilježavanja Dana planete Zemlje (eng. Earth Day), YouthBuild kancelarija u BiH se priključila globalnoj akciji koja se sprovodi u više od 150 zemalja diljem svijeta (www.earthday.org).



YouthBuild u saradnji sa Omladinskom grupom Omladinskog resursnog centra - ORC Tuzla, i PRONI Centrom za omladinski razvoj, realizovao je ekološku akciju povodom Dana planete Zemlje. Ekološka akcija sađenja drveća i cvijetnih sadnica pod nazivom „Youth Earth day 2017“ održana je 28.aprila na lokaciji područne Osnovne škole „Požarnica“ - Tuzla. Osnovnu školu u Požarnici pohađaju većinski djeca povratničkog stanovništva pa je njihovo učešće u ovoj akciji također od velikog značaja za Grad Tuzlu.

RAY Triangular Summit

PRONI Centar je - po prvi put učestvovao u radu RAY mreže i na ovom samitu je predstavljao Bosnu i Hercegovinu. Više o ovoj aktivnosti na: <https://www.facebook.com/raytriangularsummit/>



CAT – Citizens Against Terrorism



Krajem aprila je započela kampanja koju vodi PRONI Centar pod nazivom Građani protiv terorizma i koja je okupila ekipu mladih iz Brčkog, Bijeljine i Tuzle sa ciljem da se ukaže na opasnosti radikalizma i ekstremizma. CAT kampanja je realizovana u okviru Vršnjačkog svjetskog digitalnog izazova u borbi protiv ekstremizma (<https://edventurepartners.com/peer-to-peer-facebook-global-digital-challenge/>) gdje je Vlada SAD u partnerstvu sa Facebook-om investirala u kreativne načine borbe protiv terorizma. Naša kampanja je bila jedini predstavnik BiH u ovom proljetnom dijelu i takmičimo se sa mladim ljudima iz cijelog svijeta u osmišljavanju kreativnih, poučnih i zanimljivih sadržaja kako bi se suprostavili radikalizmu i nasilnom ekstremizmu.

Kampanja se prvenstveno fokusirala na Facebook i kreiranje sadržaja na Facebook stranici kampanje: www.facebook.com/catbih, te u tri javna događaja: Ulična akcija za prikupljanje potpisa za proglašenje 22 maja Međunarodnim danom borbe protiv terorizma, Okrugli sto: „Da li je BiH pogodno tlo za terorizam“ i na kraju turnir u odbojci na pijesku: „Blokiraj terorizam“. Kampanja je veoma uspješno realizovana i od planiranih 5000 "engage" ili reagovanja na našoj Facebook stranici, došli smo do broja od preko 50.000 reagovanja na stranici i ukupno smo dosegli 347.000 ljudi koji su vidjeli neku od poruka kampanje. Ulična akcija je urodila plodom, za samo dva sata smo skupili 427 potpisa koje smo i uputili stalnom predstavniku Bosne i Hercegovine pri Ujedinjenim narodima, ambasadoru Milošu Vukašiniću. Okruglom stolu je prisustvovalo oko 30 ljudi a turniru u odbojci je prisustvovalo oko 50 ljudi.



PRONI Centar bi se ovom prilikom zahvalio svim članovima CAT tima, koji su uložili preko 1500 volonterskih radnih sati u ovu kampanju, Omladinskom resursnom centru iz Tuzle i njihovoj omladinskoj grupi, medijima, pojedincima i privrednim kolektivima koji su podržali kampanju. PRONI Centar će nastaviti sa aktivnostima za mlade u borbi protiv radikalizma i ekstremizma i u narednom periodu uz moto CAT kampanje "Radikalno za mir".

EVS sastanak akreditovanih organizacija BiH i Crna Gora

PRONI Centar je kontakt tačka za program Erasmus+ mladi za BiH i u saradnji sa SALTO Resursnim centrom iz Ljubljane te kolegama iz Kontakt tačke iz Crne Gore smo organizovali trening/sastanak sa predstavnicima organizacija koje su akreditovane za EVS (Evropski Volonterski Servis) gdje su predstavnici organizacija koje učestvuju u ovom program mogli da razmjene iskustva i nauče praktične stvari u vezi pripreme i realizacije projekata kroz EVS program.



Kontakt tačka za Erasmus+ mladi u BiH: <http://erasmusmladi.ba/>
SALTO Resursni centar: <https://www.salto-youth.net/>

Sastanak sa studentima Ljubljanskog Univerziteta u Brčkom

Studenti Ljubljanskog Univerziteta posjetili su Brčko i razgovarali sa Generalnim menadžerom PRONI Centra o aktualnim pitanjima za mlade i ovu lokalnu zajednicu kao što su: učešće mladih, pomirenje, obrazovanje kao i aktivnosti PRONI Centra u ovim oblastima.



Sa poštovanjem,

Jasmin Jašarević
Generalni menadžer



Ljubica Mladenović, referent za mlade

GRADSKA UPRAVA BIJELJINA
E-mail: ljubica.mladjenovic@gmail.com

Дана, **25. маја 2017. године, у 8:30 часова, у Малој сали** у главној згради Градске управе организован је пријем за пет средњошколки које су волонтирале у Градској управи један дан у оквиру 7. Социјалног дана.

На пријему су их дочекали представници Градске управе: Шеф Кабинета Градоначелника Миле Пејчић, представница Одјељења за друштвене дјелатности Љубица Млађеновић и други.

По обраћању медијима, ученице су обишле главну зграду Градске управе, а савјетници Градоначелника и други функционери су упознали младе суграђанке са радом Градске управе и пројектима који су у току. Свих пет ученица су друштвени смјер ЈУ Гимназија „Филип Вишњић“, и ово им је искуство – кажу - веома драгоцјено. По завршетку Социјалног дана испуњене су им волонтерске књижице, на основу којих могу конкурисати на Међународни дан волонтера 5.12. за Градска признања, најбољи волонтер и организатор волонтирања.



**Institut za razvoj mladih KULT**

Ul. 4. viteške brigade 34-36 BA, 71210 Ilidža, Sarajevo

E-mail: kult@mladi.org

Tel.: +387 33 778 778; Fax: +387 33 778 779

Web: www.mladi.org**Šta bi se desilo da privrednici bojkotuju plaćanje PDV-a samo dva mjeseca?**

Šta bi se desilo da privrednici bojkotuju plaćanje PDV-a samo dva mjeseca, pitaju se bh. privrednici koji već dva mjeseca čekaju da se Vijeće ministara, Uprava za indirektno oporezivanje i Upravni odbor UIO izjasne o inicijativi za izmjene Zakona o PDV-u.

Poruku su poslali sa okruglog stola o inicijativi bh. privrednika za plaćanje PDV-a po naplaćenim računima, koji je Institut za razvoj mladih KULT 24. maja 2017. godine organizovao u Sarajevu.



Institut je inicijativu kojom se traže izmjene Zakona koje se odnose na uvođenje sistema plaćanja PDV-a od privrednika državi tek kada on naplati fakturu koju je izdao svom kupcu, a ne samo po izdavanju te fakture pokrenuo u martu 2016. godine, a podržalo je više od 30.000 privrednika u BiH okupljenih oko privrednih i obrtničkih komora, udruženja privrednika i udruženja koja u fokusu svog rada imaju pomoć privredi, kao i pojedinačni privrednici.

U martu ove godine, inicijativu je u formi poslaničkog pitanja prema Vijeću ministara, Upravi za indirektno oporezivanje i Upravnom odboru

Uprave za indirektno oporezivanje, uputio poslanik Saša Magazinović. Reakcije nadležnih na poslaničko pitanje još uvijek se čekaju.

Ovom inicijativom želi se pomoći malim privrednicima, a ne velikim korporacijama i preduzećima koji su među najvećim dužnicima po osnovu plaćanja PDV-a državi.

Zbog trenutnog Zakona mali privrednici primorani su kreditno se zaduživati da bi platili PDV, a upravo su zbog ovakvog zakona i brojnih nameta koji opterećuju njihovo poslovanje primorani gasiti preduzeća i poslove.

Okruglom stolu prisustvovali su poslanici i delegati Parlamentarne skupštine BiH, predstavnici udruženja privrednika i poslodavaca, privrednih i obrtničkih komora iz FBiH, RS i BD, dok se pozivu nisu odazvali predstavnici Vijeća ministara, Upravnog odbora Uprave za indirektno oporezivanje i Uprave za indirektno oporezivanje.

Institut za razvoj mladih KULT okrugli sto organizovao je u okviru inicijative „Poslovni prostor BH“ koja se provodi u okviru Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).

Predstavljena Analiza budžetskih poticaja privredi u BiH za 2015. godinu

Budžetski poticaji privredi u 2015. godini bili su manji za 50 miliona konvertibilnih maraka u odnosu na 2014. godinu, a za oko 100 miliona maraka manji u odnosu na 2013. godinu.

Ovi podaci objavljeni su u „Analizi budžetskih poticaja privredi u BiH u 2015. g. s prijedlogom mjera za unapređenje procesa dodjele poticaja privredi“ koju je uradio Institut za razvoj mladih KULT, a koja je 17. maja 2017. godine predstavljena u Hotelu Holiday u Sarajevu na konferenciji „Kako poticajima bolje pomoći bh. privredi?“.

Prema rezultatima Analize, poticaji privredi u 2015. godini iznosili su nešto više od 211 miliona konvertibilnih maraka. Najviše sredstava izdvojeno je za poljoprivredu, nakon koje slijedi industrija (20,21%), usluge (19,60%), razvoj preduzetništva i obrta (10,02%), energetika (8,12%) i turizam (1,94%). Konferencija je simbolično počela u 5 minuta do 12 sati, jer je prema mišljenju brojnih bh. privrednika krajnje vrijeme da se počne misliti o privredi i strateški djelovati.



Na konferenciji je predstavljeno i 12 mjera

za unapređenje procesa dodjele poticaja privredi koje su identifikovane kroz Analizu, a neke od njih su da je neophodno napraviti opsežnu analizu stanja privrede i njenih realnih potreba, da je potrebno uskladiti dodjele poticaja s drugim nivoima vlasti, osigurati transparentnost procesa, fokusirati se na kvalitet projekta kojem se dodjeljuje poticaj, te povećati izdvajanja ukupnih sredstava za poticaje.

Konferencija je organizovana u okviru inicijative „Poslovni prostor BH“ koju Institut za razvoj mladih KULT sprovodi od 2014. godine i ulaže napore u rješavanje problema enormne nezaposlenosti.

Istraživanje je provedeno u okviru Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).

Počela UmiD obuka! Nova znanja i vještine za 28 mladih iz cijele BiH

Institut za razvoj mladih KULT u maju je počeo sa obukom „Uči, misli i djeluj“ za 11 generaciju. 28 polaznika/ca iz svih dijelova Bosne i Hercegovine pohađat će jednogodišnji program obuke omladinskih lidera/ki UMiD (Uči, misli i djeluj!) koja mladima omogućava da postanu aktivni/e lideri/ce u svojoj lokalnoj zajednici i pomognu u rješavanju problema mladih, upoznaju nove prijatelje, nauče nove vještine i usavršavaju sebe.

Tokom obuke bit će održane radionice i ljetna škola, a polaznici/e naučit će kako da postanu aktivni građani/ke i kako da animiraju svoje vršnjake da se i oni uključe u rješavanju problema mladih u zajednici.

Mladi će učiti:

- Kako podjela uloga u timu može pomoći da budu jači i bolji lideri/ce,
- Kako uvjeriti donosiocce odluka i druge učesnike/ce u svojoj društvenoj zajednici da daju konkretnu podršku mladim ljudima,
- Utječe li to što su momak ili djevojka da njihovo djelovanje u društvu bude značajnije,
- Kako mogu bolje upoznati sami sebe i kako se nadograditi da budu još bolje osobe.



Učesnici/e će tokom obuke dobiti priliku da sa vršnjacima osmisle konkretnu akciju u cilju rješavanja postojećeg problema u lokalnoj zajednici, a čiju će realizaciju savjetodavno i finansijski podržati Institut za razvoj mladih KULT.

Radionice će se održavati u Obrazovno-raznodnom centru za mlade SPAJALICA na Ilidži, a mladi će u okviru različitih aktivnosti imati priliku upoznati inspirativne osobe koje su uspjele napraviti promjene i poboljšati sebe i sredinu.

Obuka „Uči, misli i djeluj!“ realizuje se već jedanaestu godinu, a pohađalo je više od 300 mladih iz cijele Bosne i Hercegovine

Prvo radno iskustvo za srednjoškolce u Institutu za razvoj mladih KULT

Institut za razvoj mladih KULT i ove godine učestvovao je u projektu „Volontiraj – kreditiraj“, a tokom „Socijalnog dana“ bio je radno mjesto za šestero srednjoškolaca. Uposlenici/e su učenike upoznali sa aktivnostima Instituta, te im kroz praktičan rad približili načine rada u nevladinom sektoru.



Dvoje učenika radni dan je provelo u Obrazovno-raznodnom centru za mlade SPAJALICA na Ilidži. Spajalica je Centar čiji je osnivač Institut, a mladima nudi prostor u kojem mogu razvijati sopstvene vještine, te slobodno vrijeme provoditi sa smislom.

Socijalni dan dio je projekta „Volontiraj – kreditiraj“, a zamisao je da učenici jedan dan nastave mijenjaju jednim danom volonterskog rada u firmama i nevladinim organizacijama. Za rad im se uplaćuje dnevnicu koja je namijenjena isključivo za potrebe njihovih projekata.

„Socijalni dan ne bi trebao biti organizovan samo jednom godišnje. Ovo je odlična prilika da se mi mladi što bolje pripremimo za ono što nas čeka po završetku školovanja.“ – poručila je jedna od učenica.

Projekat „Volontiraj – kreditiraj“ realizuje Udruženje „Infohouse“, a glavni cilj je jačanje kapaciteta mladih kako bi bili u mogućnosti da preuzmu odgovornost za svoju profesionalnu budućnost, razvoj lokalne zajednice ali i poboljšanja statusa mladih u cjelini.



H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobojević
Tel./fax: +387 53 226 886
E-mail: merhamet.doboj@cutuk.net
FB: www.facebook.com/Merhamet-Doboj

Merhamet Dobojević, kao i svaki drugi mjesec, i tokom maja je izvršavao svakodnevne aktivnosti kao što su:

- Evidentiranje članova, stvaranje baze podataka;
- Pomoć socijalno ugroženim kategorijama akcijama humanitarne pomoći (hrana, higijena, garderoba, školski pribor i novčana pomoć i dr.);
- Pružanje zdravstvene pomoći socijalno ugroženim članovima (kontrola šećera, holesterola, triglicerida, krvnog pritiska i dr.);
- Pomoć starim i bolesnim osobama koje žive sami – kućna njega;
- Individualne posjete aktivista „Merhameta“ teško oboljeloj djeci i socijalno ugroženim i uručenje pomoći;
- Prisustvo mnogim radionicama, seminarima, okruglim stolovima i drugim sesijama.

Pored redovnih aktivnosti, tokom maja smo imali i sljedeće:

Dan Raznolikosti



Dan raznolikosti obilježen je 21. maja i na njemu su učestvovala organizacije i članice „Tolerantno i pozitivno“ iz Dobojevića, zajedno sa učesnicima iz Zavidovića. Tog dana je održana radionica na temu kulturne raznolikosti, nakon čega smo goste proveli kroz edukativni obilazak jevrejskog centra i Sinagoge. Veliki plus je što smo uraditi i nešto konkretno i korisno za zajednicu (donacija knjiga dječjoj biblioteci), a dodatni plus je bio što smo radili u saradnji sa akterima izvan koalicije (učenici i omladina iz Zavidovića, Rotari klub, Američki kutak). U ponedjeljak, 22. maja (oko 11.00), planirano je i održano u saradnji sa Rotari klubom i Američkim kutkom darovanje knjiga za

dječiji odjel Narodne biblioteke u Doboju.

Raspodjela humanitarne pomoći

27. maja izvršena je **raspodjela humanitarne pomoći** i ovom raspodjelom humanitarne pomoći obuhvaćeno je više od 270 porodica, koje su se obradovale ovom raspodjelom u ovim teškim danima.





Omladinsko udruženje Nova vizija

Ul. Opara bb, 72290 Novi Travnik
Tel./fax: +387 61 309 687, +387 61 593 773
E-mail: ounovavizija@gmail.com
Facebook: <https://www.facebook.com/ounovavizija>

Trening za vršnjačke edukatore

Tokom mjeseca maja održan je trening za vršnjačke edukatore iz oblasti prevencije nasilja među ženama i nasilja u porodici. Aktivnost se realizuje u sklopu projekta „Sveobuhvatni pristup uključivanja mladića i medija u prevenciji nasilja prema ženama i nasilja u porodici u BiH“, koji za regiju SBK provodi Omladinsko udruženje Nova vizija.

Kroz trening je educirano 30 učenika iz Mješovite srednje Tehničke i Mješovite srednje ekonomsko-gostiteljske škole u Travniku. Mladi su se kroz trening upoznali sa procesom realizacije radionice za svoje vršnjake, pravilne pripreme kampanja za prevenciju nasilja, osnovama komunikacije, te temama iz oblasti nasilja, a sve iz mentorstvo dva vršnjačka trenera iz organizacije „Perpetum mobile“ iz Banja Luke.



Trening za vršnjačke edukatore dio je aktivnosti na projektu koji će se realizovati u toku ove i naredne godine, a predviđeno je još realizacija edukativnih radionica u ove dvije škole, rad sa mladima na pripremi kampanja unutar škola sa ciljem podizanja svijesti o štetnosti nasilja, te brojne druge aktivnosti.

U sklopu projekta formiran je i „Budi muško“ klub Travnik koji će okupljati i mladiće i djevojke koji žele da se na edukativan, kreativan i zanimljiv način bore protiv nasilja.

Novi edukatori će uskoro imati priliku da usvojena znanja i vještine prenesu na svoje vršnjake, te da šire poruku o prevenciji nasilja u zajednici, ali i kroz niz drugih aktivnosti pošalju jasne poruke borbe protiv nasilja.

Projekat se realizuje uz saglasnost Ministarstva obrazovanja, nauke, kulture i sporta SBK/KSB, a za područje SBK ovaj projekat realizuje „Nova vizija“ u saradnji sa partnerskim organizacijama: Perpetum mobile, Asocijacija XY, Snaga Mladih. Projekat se finansira od strane UN Women ureda u BiH.



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice

Omladinska organizacija Svitac je u maju nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Koordinatorica jutarnjih radionica je pripremila plan aktivnosti za neformalno učenje kroz igru, maštovitost i kreativnost. Kao i do sada svake su srijede slušali i vježbali razne dječije pjesmice namijenjene njihovom uzrastu, kako bi na taj način vježbali ritmiku i polako usvajali tekst. Četvrtkom su radionice bojenja i pisanja brojeva uz pomoć radnih listova za bojenje, takođe ponavljanje oblika i boja na engleskom i njemačkom jeziku. Materijali koji su se koristili za realizaciju ovih radionica su ljepilo, žica, kolaž papir, blokovi za crtanje, voštane boje, flomasteri, drvene i vodene bojice, kamenje, listovi, grane. Cilj ovih aktivnosti kao i do sada je da djeca razviju maštu, i da koristeći razne materijale izraze svoju kreativnost, takođe razviju motoriku i poštovanje prema drugom i usvoje lijepo ponašanje. U maju je do 20 učesnika pohađalo jutarnje dnevne radionice.

Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+).



Ponedjeljkom su radionice kreativnog izražavanja, utorkom engleski jezik, komunikacija, izgovor, te razne igre koje pospješuju učenje stranog jezika u grupi. Grupa je takođe i ovaj mjesec pored gramatičkih zadataka vježbala komunikaciju na engleskom jeziku na temu opisne riječi – pridjevi. Srijeda je dan za muziku i pjevanje, učenje osnova na muzičkim instrumentima gitari i klaviru, uključujući teoriju muzike za početnike i čitanje nota. I ovaj mjesec je tema bila identifikacija muzičkih instrumenata u pjesmama. Svakog četvrtka starija grupa je

podijeljena u dvije manje i učesnici imaju mogućnost da se okušaju u društvenim igrama i timskom radu, razvijajući osjećaj za poštovanje drugog, socijalizaciju i fer igru. Petkom su radionice njemačkog jezika kao i dan za pomaganje u izradi domaće zadaće.

Radionice se održavaju u Omladinskom centru Brčko distrikta. Koordinator radionica u maju je bila Milica Baćanov, uz asistenciju lokalnih i Weltwaerts i EVS međunarodnih volontera Alexandera Likica iz Njemačke, Mahmuta Taha Bicera i Yunusa Seckina iz Turske, Terlyn Noiles iz Kanade, Andree Diaz is SAD-a, te Eleonore Pearson i Bena Owensa iz Velike Britanije. Broj učesnika starije grupe je trenutno između 15 i 20 učesnika.

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-19:30 časova. I ovaj mjesec je grupa radila na komunikaciji i temama svakodnevnice, kako se predstaviti i ispričati zanimljive stvari o sebi, te ostalim zanimljivim temama koje su prilagođene uzrastu učesnika. Grupa je takođe radila vježbanje slušanja, te pisanje i čitanje. Radionice komunikacije na njemačkom jeziku su namijenjene za sve koji žele naučiti osnove gramatike, ali i usavršiti već postojeće znanje i steći nova iskustva i poznanstva. Koordinator projekta je međunarodni volonter iz Njemačke Alexander Likic. Radionice pohađa 10 učesnika (dvije grupe).

„I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. Ovaj mjesec je koordinator radionica više pažnje posvetio komunikaciji kroz rad u parovima. Koordinator projekta je međunarodni volonter iz Velike Britanije Ben Owens. Radionice pohađa 10 učesnika.

„Učimo Turski“ – radionice komunikacije na turskom jeziku sa izvornim govornicima

Radionice turskog jezika se održavaju utorkom u prostorijama Omladinskog centra Brčko distrikt od 18:00-19:00 časova. Radionice komunikacije na turskom jeziku su namijenjene za sve koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. Učesnici su ovaj mjesec vježbali svakodnevne, jednostavne dijaloge. Koordinator projekta su međunarodni volonteri iz Turske Yunus Seckin i Mahmut Taha Bicer. U maju je bilo prisutno do 10 učesnika.

Dramske radionice

Projekat „Dramske radionice“ za mlade ljude je ponovo aktivan od aprila. Održava se svakog utorka u prostorijama Omladinskog centra Brčko distrikt od 20:00-21:30 časova, a koordinator projekta je lokalna volonterka Azra Pezerović. Grupa trenutno radi na komediji, čiji su scenario napisali sami, a zove se „Bitange i princeze“. Glavni cilj ovog projekta, po Azrinim riječima, je izlazak iz „zone ugodnosti“ ali i da mladi ljudi, koji vole pozorište i glumu usvoje nove vještine, te da steknu nova iskustva i poznanstva. Kao vođa tima, ona je sretna i ponosna na posao koji su članovi dramskog kluba već odradili. Iako su članovi Dramskog kluba postali dobri prijatelji, Azra želi da ih upozna bolje i više radi na njihovom samopouzdanju.

Prije čitanja tekstova, grupa radi vježbe zagrijavanja u trajanju od 10 do 20 minuta, a koje su od velike pomoći za opuštanje prije aktuelne realizacije radionice. Dramske radionice u maju je pohađalo 10 učesnika, uzrasta 16+.

„Freeletics“ – sportske radionice

Sportske radionice se održavaju utorkom i četvrtkom od 21:00-22:00 časova u prostorijama Omladinskog centra Brčko distrikt i namijenjene su mladim ljudima koji žele da poboljšaju motoriku, kondiciju i tjelesnu snagu, te da steknu nove vještine i poznanstva. Koordinator vježbi za kondiciju i motoriku je međunarodni volonter iz Njemačke Alexander Likic.

„Love Art?“ – radionice kreativnog izražavanja za uzrast 16+

Radionice kreativnog izražavanja se održavaju svakog utorka u prostorijama Omladinskog centra Brčko distrikt od 19:00-20:30 časova. Ove radionice su namijenjene za sve koji vole umjetnost i istoriju umjetnosti, te crtanje, slikanje i druženje uz diskusiju. Učesnici su se ovaj mjesec posvetili temi „Faces of Brčko“. Koordinator projekta je međunarodna volonterka iz Velike Britanije, Eleonore Pearson. Radionice je u maju pohađalo 5 učesnika.

Radionice gitare

Učesnici radionica gitare u maju su nastavili sa redovnim radom uvježbavajući etide, skale i duete. Novi polaznici su se nastavili upoznavati sa osnovama instrumenta.



Radionice sambe

Ragga je nova kompozicija koju su učesnici uvježbavali u maju. Kompoziciju karakteriše brz tempo i varijacije na dancehall ritam koji je osnov ove kompozicije.

„Faces of my Brčko“ – Izložba radova u lokalnom kafeu „Crni Bombarder“ u Brčkom

Učesnici radionica „Love Art“ (16+) Omladinske Organizacije Svitac su 13. maja postavili, u lokalnom kafeu 'Crni Bombarder' u Brčkom, izložbu svojih radova pod nazivom „Faces of my Brčko“. Zainteresovani su mogli pogledati radove od 13.05. do 20.05.2017.



Početkom aprila koordinator radionica, međunarodna volonterka iz Velike Britanije Eleonore Pearson, dobila je poziv od zaposlenih iz lokalnog kafea 'Crni Bombarder' da sa svojom grupom postavi izložbu svojih radova. Tokom mjeseca grupa je imala par sastanka i radionica, kako bi mogli sve dogovoriti na vrijeme. Odlučili su da se izložba zove: "Faces of my Brčko". Tema je vrlo otvorenog tipa, tako da su učesnici imali dovoljno kreativnog prostora da ispune zadatak, portretima, pejzažima krajolika, fotografijom, ili nečime što smatraju važnim za grad Brčko. Svi radovi su rađeni na papiru, ali su rađeni raznim tehnikama: kolaž, olovka, boje i fotografija. U izložbi je učestvovalo 7 učesnika uzrasta 16 + i jedan učesnik od 9 godina. Izložba „Faces of My Brčko“ je na posjetioce ostavila veoma pozitivan dojam, a ujedno je i finalni rezultat svih dosadašnjih radionica u poslednjih 7 mjeseci.

FutureShorts film festival

U petak, 19. maja, u kino sali Omladinskog centra u Brčkom prikazan je program proljetne sezone FutureShorts film festivala. U program je uvršteno šest kratkometražnih filmova iz Velike Britanije, Rumunije, Nizozemske, Španije, Kine, Nizozemske/Sirije i jedan muzički video.

Projekcija filmova u Brčkom dio je globalnog FutureShorts film festivala. Program ovogodišnje proljetne sezone prikazivan je u 100 gradova i 40 zemalja širom svijeta.

Program:**Carousel**

Režija: Karl Weber
Drama / Velika Britanija

Import

Režija: Ena Sendijarević
Drama / Nizozemska

The runner

Režija: Jose Luis Montesinos
Komedija/ Španija

A night in Tokoriki

Režija: Roxana Stroe
Komedija/ Rumunija

9 days from my window in Aleppo

Režija: Issa Touma, Floor van de Muelen & Thomas Vroege
Dokumentarni/ Sirija/Nizozemska

Refuge- Nadia Tehran

Muzički video spot
Švedska/ Iran

Nothing stranger

Režija: Pedro Collante
Drama / Kina/ Španija/Nizozemska

Pobjednik proljetne sezone FutureShorts-a u Brčkom je nizozemski film "Import ". Režija: Ena Sendijarević



Start – up dan „Kreni“

Omladinska organizacija Svitac je dobila poziv od Pododjeljenja za podršku MZ, NVO i UG Brčko distrikta da učestvuje na organizovanom danu za mlade sa područja Brčko distrikta, Gradačca i Bijeljine "Start -up dan: KRENI" – **Budi dio rješenja, tvoja ideja može da pokrene zajednicu.**

Učesnici ovog projekta su imali priliku predstaviti svoje društveno odgovorne ideje iz različitih oblasti kako bi pomogli svojoj zajednici. Uz pomoć stručnjaka koji podstiču društveni razvoj, osobe sa najboljim idejama su imale priliku da dobiju savjete kako da na najbolji način projekti budu integrisani u njihovim zajednicama.

Andrea Dabić, Edina Mulić, Imrana Islamović, Stefan Savčić i Zerina Spahalić su predstavljali Omladinsku organizaciju Svitac na ovom događaju, te su imali priliku da prezentuju vlastite ideje, ali i da razmijene iskustva i steknu nova poznanstva sa mladima iz drugih gradova. Start-up dan “KRENI” se održao, u organizaciji UNDP-a za Bosnu i Hercegovinu, 19. maja u Bijeljini.



EVS sastanak

Sastanak EVS akreditovanih organizacija iz Bosne i Hercegovine i Crne Gore održan je u Sarajevu 18. i 19.05. Dina Vošanović i Miloš Popić su predstavljali Omladinsku organizaciju Svitac, koja je iskusni akreditovani partner od 2007. godine.

Ciljevi sastanka su bili kako podržati rad organizacija kroz razmjenu iskustava i izazova sa implementacijom projekata, takođe informisanje organizacija o podršci EVS sistema koju nudi SALTO SEE i Kontakt tačke u Bosni i Hercegovini i Crnoj Gori, umrežavanje partnera i informacije o novinama u E+ projektima u budućnosti. Trening su koordinirala dva trenera iz Bosne i Hercegovine i Crne Gore, a podršku je pružio Andrej Troha, koji je ujedno i predstavnik SALTO SEE, te dva predstavnika Kontakt tačaka u BiH i Crnoj Gori (Proni Brčko i ADP – Zid Podgorica) i predstavnik nacionalne Agencije iz Slovenije. Ovaj sastanak je od velike pomoći za svaki budući angažman u E+ i EVS projektima.



Za jun se planira nastavak svih redovnih radionica Omladinske organizacije Svitac.



Udruženje šumarstva i prerade drveta INTERFOB

Ul. Bulevar Vojvode Stepe Stepanovića 75, 78000 Banjaluka
Tel.: +387 63 560 378
Fax: +387 51 465 417
E-mail: interfob_bih@yahoo.com, office.bl@interfob.rs.ba
Web: www.energowood.com; www.interfob.rs.ba

JAVNI POZIV

Nagradni konkurs za najbolji dizajn komadnog namještaja 2017

U sklopu IX Stručne Konferencije drvoprerađivača pod nazivom „Ljudi, drvo, namještaj 2017“, objavljujemo javni poziv za **nagradni konkurs najboljeg dizajna komadnog namještaja** za sve dizajnere, arhitekte, projektante namještaja i sve ostale zainteresovane.

[Više o Konferenciji](#)

Trajanje konkursa: od 29.05.2017 (12h) i traje do 12.06.2017 (10h).

Uslovi za prijavu: Konkurs je otvoren za sve punoljetne dizajnere, arhitekte, produkt dizajnere i sve ostale osobe koji se bave dizajnom. Prednost imaju mladi dizajneri iz BiH do 35 godina (nije uslov).

Način slanja prijave i ostali uslovi:

RADOVI moraju biti u JPG ili PDF formatu dobrog kvaliteta (min 1Mb - max. 6Mb) na A3 a maksimalno na A1 formatu.

Važna napomena: za dizajn upotrebljavati OSNOVNI materijal masivno drvo i/ili materijale na bazi drveta (furnir, furnirska ploča, MDF, HDF, iverica i sl.), a pored osnovnog materijala potrebno je koristiti minimalno jedan DODATNI materijal od sledećih preporučenih: metal / staklo / tapacirani dio (koža, eko koža, platno).

Radove slati putem maila na sledeću adresu :

interfob.consulting@gmail.com

sa napomenom u polju „subject,“: NAGRADNI KONKURS 2017 ime i prezime (upisati svoje ime i prezime)

U prijavnom mailu uz rad priložiti i svoju biografiju (CV).

Nagrade, izlaganje radova i proglašenje najboljih radova:

Izložba radova će biti cjelodnevno u Domu Omladine (Đure Daničića 1 – preko puta Tržnice Banja Luka) oba dana konferencije 15.06.17 (četvrtak) i 16.06.17 godine).

Nagrade se dodjeljuju 16.06.2017 godine u 15h na II dan Konferencije.

Nagradni fond je 3.600KM i to kako slijedi:

I Nagrada : 2600 KM (u vrijednosti izrade prototipa - WMTA Centar Banja Luka) + 500 KM (u vrijednosti robe.....[Schachermayer d.o.o.](#))

II Nagrada : 300 KM (u vrijednosti robe/usluga....[Grafix štamparija Banja Luka](#))

III Nagrada : 200 KM (u vrijednosti namještaja - [Maestro namještaj Banja Luka](#))

Svi nagrađeni učesnici će takođe dobiti i PRIZNANJE za učešće na Konkursu.

Organizator: Udruženje šumarstva i prerade drveta INTERFOB Banja Luka.

Partneri u suorganizaciji su:

[Gradska razvojna agencija CIDEA Banja Luka](#) i

[Klaster DRVO Banja Luka](#)

Konferenciju sufinansiraju:

[Grad Banja Luka](#)

GIZ

ProCredit Bank

Klaster DRVO Banja Luka

Ustanova za stručno obrazovanje odraslih WMTA Banja Luka

Schachermayer d.o.o.

Grafix Štamparija Banja Luka

Maestro namještaj Banja Luka

Medijski pokrovitelji:

www.akta.ba

www.e-kapija.com

www.posao.ba

www.wmta-edu.com

www.energowood.com

www.cidea.org

www.aabh.ba

U slučaju dodatnih pitanja molim da nas kontaktirate na sledeće kontakte:

interfob.consulting@gmail.com

www.energowood.com

www.wmta-edu.com

POZIV NA KONFERENCIJU



Pozivamo vas da nam se pridružite na IX Stručnoj konferenciji drvoprerađivača pod nazivom „**Ljudi, drvo, namještaj 2017**“, koja će se održati u prostorijama „Doma omladine“, u konferencijskoj sali (Đure Daničića 1 – preko puta Tržnice) u Banjaluci u četvrtak i petak, 15-16. juna 2017 godine sa početkom od 9h časova.

Stručna konferencija okuplja sve zainteresovane strane: mala, srednja i velika preduzeća, agencije, ministarstva, komore i organizacije iz drvne industrije i šumarstva, profesore, inženjere i stručne ljude kao i one koji se na bilo koji način bave preradom drveta, šumarstvom,

ekologijom, energetskom efikasnošću, biomasom, enterijerima i industrije namještaja iz Republike Srpske, Bosne i Hercegovine i šire regije.

Stručnu konferenciju već devet godina organizuje Udruženje šumarstva i prerade drveta INTERFOB Banja Luka, u saradnji sa partnerima u suorganizaciji : Gradska razvojna agencija CIDEA Banja Luka i Klaster DRVO Banja Luka

više na www.energowood.com

SAOPŠTENJA / INFORMACIJE / DONATORI / POZIVI

National Geographic Society: Aplikacije za program standardnih grantova

Rok: 1 juli 2017

National Geographic Society objavljuje poziv za aplikacije za program standardnih grantova zbog dodjele bespovratnih sredstava za istraživanje, očuvanje, obrazovanje i pripovijedanje kroz svoj Odbor za ispitivanje i istraživanje.

National Geographic Society finansirani projekti treba da budu odvažni, inovativni i transformativni. National Geographic Society je neprofitna naučna i obrazovna organizacija posvećena istraživanju naše planete, zaštitu okruženja divljih životinja i staništa, te pomaže osigurati geografsku pismenost za studente u K-12.

Tri područja:

- **Ljudsko putovanje:** Ljudsko putovanje podržava projekte koji istražuju i dokumentiraju ljudsko iskustvo kroz vrijeme, da se sačuva i slavi zajednička baština.
- **Divljač i divljina:** Podržava projekte koji istražuju i dokumentuju bioraznolikost Zemlje kako bi se bolje razumjele i očuvale vrste, staništa, procesi i ekosistemi (morski i kopneni)
- **Naša promjenjiva planeta:** Podržava projekte koji istražuju i dokumentuju sisteme Zemlje i okeana u sadašnjosti, prošlosti i budućnosti kako bi se bolje razumio i zaštitio evoluirajući okoliš.

Finansiranje: Standardni grant: obično do 30,000 \$ (Američkih dolara)

Fokus projekta

- Istraživanje
- Očuvanje
- Edukacija
- Pričanje priča
- Tehnologija

Kriteriji podobnosti

- National Geographic prihvata aplikacije iz cijelog svijeta, osobito ohrabruje aplikante izvan SAD da se prijave
- Aplikanti koji planiraju raditi izvan svoje domovine trebaju uključiti bar jednog lokalnog suradnika u tim.
- Komitet neće razmatrati aplikacije koje su bazirane isključivo na laboratorij ili zbirke.
- Grantovi se dodjeljuju na osnovu zasluga i postoje neovisno od drugih odjeljenja Društva

Kako se prijaviti?

Kandidati se mogu prijaviti putem date web stranice.

Za više informacija, molimo posjetite [National Geographic Society](https://www.nationalgeographic.org).

Izvor: <https://www2.fundsforngos.org/animals-wildlife-and-biodiversity/national-geographic-society-seeking-applications-standard-grant-program/>

ViiV zdravstvena zaštita: poziv nevladinim organizacijama na pozitivne akcije za MSM i transrodnih, Program malih grantova

Rok: 21 juni 2017

ViiV Zdravstvena zaštita traži aplikacije podobnih organizacija za svoj program malih grantova "pozitivne akcije za MSM i transrodne" sa ciljem poboljšanja zdravlja i dobrobiti ljudi koji imaju spolne odnose sa muškarcima i transrodnim osobama, ojačavanja njihovih mreža podrške te ohrabrenja inkluzivnim zajednicama i institucijama.

Pozitivne akcije MSM & Transrodnog programa su primarno ciljane za organizacije u zajednici uz prioritet onima sa ograničenim sredstvima i okolinom neprijateljskom za MSM i transrodne osobe.

Područja fokusa:

- Prevencija i testiranje na HIV i druge spolno prenosive infekcije
- Pristup, rano povezivanje i održivo zadržavanje u kulturalno kompetentnoj skrbi
- Podržavanje pridržavanja
- Socijalna pravda: stigma, diskriminacija, nasilje i druga kršenja ljudskih prava
- Izgradnja održivih kapaciteta
- Saradnja na nivou zajednice za rješavanje socio-ekonomskih pokretača HIV-a

Finansiranje

- **Prijavite se za projekat koji se bavi temama 1-5:** CBO aplikacijske forme za projekte vođene od strane MSM ili transrodnih osoba mogu se prijaviti do 50,000 £ podijeljeno na više od dvije godine, sa ne više od 30,000 £ (60%) u jednoj godini.
- **Radite sa drugim organizacijama za rješavanje tema 1-5 i teme 6:** Aplikanti se mogu prijaviti do 70,000 £ podijeljeno na preko dvije godine, sa ne više od 42,000 £ (60%) u jednoj godini.

Kriterij podobnosti

- Prihvatljive organizacije moraju biti nevladine i neprofitne/humanitarne ili imati socijalnu svrhu
- Organizacije zasnovane na zajednici (CBO), nevladine organizacije (NGO), registrovane humanitarne /neprofitne organizacije i (u specifičnim slučajevima) socijalna preduzeća se mogu prijaviti.
- S obzirom na značaj liderstva zajednice u seksualnom stravlju i programiranju ljudskih prava, aplikacije iz organizacija na čelu sa MSM ili transrodnim osobama su posebno poželjne. Organizacije koje ne vode MSM ili transrodne osobe se mogu prijaviti, ukoliko predloženi projekat ima veliki postotak vodstva MSM ili transrodnih osoba ili ako se bave socioekonomskim pokretačima HIV-a u suradnji sa CBO.
- Primarni focus je na CBO i slijedeća područja nisu prihvatljiva za finansiranje: individualci, medicinska istraživanja, konferencije ili bilo koje retrospektivno finansiranje.

Kako se prijaviti?

Zainteresirani kandidati mogu se prijaviti na mreži putem date web stranice.

Za više informacija, molimo posjetite [Positive Action for MSM & Transgender Programme](#).

Izvor: <https://www2.fundsforgos.org/hiv-and-aids/viiv-healthcare-inviting-cbosngos-for-positive-action-for-msm-and-transgender-small-grants-program/>

KONKURS

Centar za edukaciju i istraživanje „Nahla“ Sarajevo, raspisuje konkurs za upis 15 polaznica na Akademiju ženskog poduzetništva



Obuka je namijenjena isključivo nezaposlenim ženama, a obuhvata 120 sati teorijske i praktične nastave u sljedećim oblastima:

- Osnove poduzetništva,
- Leadership,
- Izrada marketing plana,
- Pravni i finansijski okvir preduzeća,
- Registracija različitih pravnih oblika preduzeća,
- Tehnike prodaje,
- Izrada biznis plana.

Obuka će biti realizirana od 7. augusta do 30. novembra 2017. godine u prostorijama CEI "Nahla" u Sarajevu. **Nastava će se održavati ponedjeljkom i srijedom od 17.00 h do 20.15 h.** Organizator obuke zadržava pravo izmjene i reorganizacije nastave u slučaju izmijenjenih okolnosti i potreba obuke.

Obuka je **besplatna – polaznice su oslobođene plaćanja za učešće na obuci.**

Nastavu će držati tim iskusnih predavača/ica iz relevantnih oblasti, a po završetku obuke polaznice će dobiti certifikat o stečenim kompetencijama.

Polaznici s najbolje izrađenim biznis planom dodijelit će se nagrada u iznosu 2.000,00 KM, kao poticaj za osnivanje vlastitog biznisa i realizaciju početnih aktivnosti. Nakon okončane edukacije sve polaznice imat će priliku biti dio Nahlinog [MENTORING PROGRAMA](#), gdje će kroz individualan pristup dodatno usavršiti vještine neophodne za razvoj vlastitog biznisa.

Prijavite se na akademiju ako:

- Imate ideju koju želite pretočiti u poduzetnički poduhvat, a ne znate odakle krenuti;
- Potrebna vam je svojevrsna mapa koja će vam pomoći da pređete put od ideje do biznisa;
- Želite steći znanje o tehnikama prodaje proizvoda/usluga na tržištu, te metodama naplate potraživanja;
- Zanima vas kako efikasno predstaviti proizvod/uslugu na društvenim mrežama;
- Potrebna vam je podrška pri osnivanju i razvoju vlastitog biznisa.

Uvjeti:

- da ste nezaposleni,
- da imate minimalno III stepen stučne spreme – SSS,
- da imate poslovnu ideju koju želite realizirati.

Prijave dostaviti isključivo putem [ONLINE FORMULARA](#) najkasnije do 15 h u nedjelju, 11.6.2017. godine. Sve polaznice koje uđu u uži izbor bit će pozvane na intervju.

Broj mjesta je ograničen! Za sva pitanja i dodatna pojašnjenja obratite se na e-mail: ksenija@nahla.ba. Nepotpune i neblagovremene prijave neće se uzimati u razmatranje.

Akademija ženskog poduzetništva će biti realizirana uz finansijsku podršku Instituta za međunarodnu saradnju Njemačkog saveza visokih narodnih škola – DVV International – Ured u BiH

Institut za međunarodnu saradnju, sa sjedištem u Bonnu u Njemačkoj, podržava strukture za obrazovanje odraslih širom svijeta, naročito u manje razvijenim regijama u Aziji, Africi, Južnoj Americi, Istočnoj Evropi i Jugoistočnoj Evropi. Bavi se izgradnjom kapaciteta i jačanjem struktura za obrazovanje, učenjem i treningom odraslih u kontekstu cjeloživotnog učenja. Sarađuje s nevladinim sektorom, centrima za kulturu i obrazovanje, stručnim školama, te drugim odabranim vladinim i nevladinim organizacijama. Pored toga, DVV International aktivno sarađuje i s relevantnim ministarstvima, univerzitetima i pedagoškim zavodima širom zemlje. DVV International preko ureda u BiH je Nahlin značajan partner u realizaciji besplatnih obuka za nezaposlene žene od 2012. godine, a do sada su podržali realizaciju obuka za poslovnu sekretarku, profesionalnu dadilju, krojačicu i šnajdericu te gerontološku domaćicu.

Više informacija na linku:

<http://nahla.ba/tekstovi9.aspx?tid=550&naslov=Akademija%20ženskog%20poduzetništva%20-%20upis%20u%20toku!>

Poziv za studente: PUTUJMO U EVROPU 2017.

Rok prijave 15.06.2017

Inkubator društvenih inovacija „Munja“ i info platforma HOĆU.ba, uz podršku Robert Bosch Fondacije, Balkan Trust for Democracy i partnera otvara i desetu godinu za redom poziv za učešće u programu «Putujemo u Evropu» za studente završnih godina prvog i drugog ciklusa studija univerziteta/sveučilišta u Bosni i Hercegovini. Do sada stipendiju je dobilo i u programu sudjelovalo **266** studenata.

Cilj projekta je da se omogući da najmanje **23** studenta/ice na univerzitetima/sveučilištima u BiH provedu ljeto kao većina njihovih vršnjaka iz Evrope, putujući slobodno po Evropi i upoznavajući evropske gradove i narode. Pobjednici na konkursu dobijaju stipendiju koja se sastoji od slijedećeg:

- InterRail karta za 22 dana putovanja evropskim vozovima vrijednosti 770 KM
- džeparac u iznosu 300 KM
- studentska kartica ISIC
- putno osiguranje
- učešće na trodnevnom specijalnom otvaranju programa u Berlinu 24-27.07.2017. godine (smještaj i obroci u Berlinu, susret sa studentima iz Jugoistočne Evrope, party, razgledavanje grada, susret sa zvaničnicima SR Njemačke i Fondacije Robert Bosch i dr.)

- orijentacijska radionica u Sarajevu (prevoz i ručak) i vodič za putovanje sa savjetima

Osnovni kriteriji za odabir studenata:

1. Prijave mogu podnijeti isključivo studenti završne godine prvog ciklusa, absolventi ili studenti postdiplomskog studija do 26 godina starosti koji su državljani BiH i posjeduju putnu ispravu;
2. Prednost imaju kandidati/kinje koji su do sada nikako ili manje putovali u inostranstvo;
3. Prednost je ukoliko imaju angažman u studentskim, omladinskim ili/i nevladinim organizacijama;
4. Znanje stranog jezika
5. Dužina studiranja i prosječna ocjena uzet će se u obzir, ali se ohrabruju svi motivirani studenti da apliciraju.
6. Motivacija za učešće u programu i spremnost za angažman na promociji mobilnosti mladih tokom i poslije putovanja.

Prijavni formular, uputstvo za apliciranje i dodatne informacije o projektu svi zainteresovani kandidati mogu preuzeti sa info platforme www.hocu.ba.

Prikupljene dokumente stavljene u kovertu potrebno je dostaviti **do 15. juna/lipnja 2017. godine do 15:00 h** (u obzir se uzimaju i pristigle koverta sa datumom slanja do 15.06.) kao i kreativni zadatak sa kontaktima poslati na e-mail: munja@munja.ba.

Samo finalisti će biti kontaktirani i pozvani na intervju u Sarajevo.

Prijave se mogu poslati **poštom** na adresu:

MUNJA

Za konkurs «Putujemo u Evropu»

Skenderpašina 1

71 000 Sarajevo

ili lično dostaviti u zatvorenoj koverti u prostorije Munje (Networks) radnim danom od 09:00h do 20:00h).

Prilog:

- [PUE17 – Uputstvo – 5.2017](#)
- [PUE17 – Formular za prijavu – 5.2017](#)

Za sva dodatna pitanja:

- Tel: **033 23 77 64**
- Munja page na Facebooku
- E-mail: munja@munja.ba
- hocu.ba

Foto Konkurs

“Studiranje kroz objektiv moje kolegice/mog kolege”

Rok prijave 30.06.2017

U okviru aktivnosti “#VasGlas #VasaPrica” koju finansira Evropska unija (EU), a provodi Razvojni program Ujedinjenih nacija (UNDP) u Bosni i Hercegovini, Online zajednica studenata BiH (www.bhstudenti.com) objavljuje Foto konkurs na temu: “Studiranje kroz objektiv moje kolegice/mog kolege”.

Nagradni fond: 1750 KM

- Prva nagrada 1000 KM
- Druga nagrada 500 KM
- Treća nagrada 250 KM

Konkurs je otvoren do 30. juna 2017. godine.

Sve ostale detalje pogledajte na [našoj stranici](#).

(Potrebno je da ste registrovan član)

Izvor: <https://www.hocu.ba/index.php/hocu.priliku/foto-konkurs-studiranje-kroz-objektiv-moje-kolegicemog-kolege/>

Grantovi za istraživače

Savjet društvenih nauka nudi grantove mladim ljudima iz raznih oblasti za 2017. godinu.

Pravo da se prijave imaju studenti društvenih i humanističkih nauka. Grant iznosi 10,000 dolara.

Potrebna dokumentacija za prijavu: kratak sadržaj istraživanja, prijednog projekta, predlog budžeta, CV, bibliografija i dvije preporuke.

Prijave se dostavljaju do 15. septembra.

Više informacija na: <http://www.ssrc.org/.../negotiating-agreement-in-congress...>

Izvor: <http://mladiinfo.me/grantovi-za-istrazivace/>



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba
hcatuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*